



# **MAMBU MAUYAMUNA MARUGA GU YULU**

Utsasola mo ra Watson Goodman

Sâ musumba

# **Mâmbu Mauyâmuna Maruga Gu Yulu**

**Maronda ulonsa vâva “Mâmbu mauyâmuna maruga gu yulu”. Mu mugânda wuwu matsasunsa birini biMâmbu maNsâmbi. Makâtâsi re: Mavindugulu mabirini biena mabi ka gu Mâmbu maNsâmbi.**

**Mâmbu maNsâmbi maruga “gu yulu” na maka buedi muguârisa mirima mibâtu babana nsâla mâmbu masungama. Mutu âgâkâlula buyedi nusiisa mabi, nutsitsa Fumu Jésus Christ mutsâgala nândi, murima wândi ukabâsa na yinyunga na polu mumbâra Fumu yâbena âkayâbana nândi. Matsasinga Fumu mu yilima gi 1937. Ubânda dikiesi diena ngu na namunyi masâmabunsa yinongu giâmi na Fumu. Gâ yu yisâmanenayobugu, buedi musinga Jésus namunyi nusunsa gitu giotsu mu Fumu.**

**—Watson Goodman (1920-2002)**

**Romains 5:8**

**Te Nsâmbi âritsiga manenu dironda diândi mumbâra vabilanga manenu batu bababi, Christ âfu mu manenu.**

**Jean 13:1**

**Nagi unébila Fueti Paka, Jésus âyâbanga re: Dikiesi diâmi dimapula muburuga gu tsengi yiyi nuyenda gu Tâta. Yândi nuronda batu bândi bababila mu tsengi yiyi, âronda yâwu mbili kuânga na gu disukusulu.**

**Apocalypse 1:5**

**Dikavegu bio na Jésus Christ. Yândi ra ukâtâtuli mambu buedi. Yândi ra umarega urâmbuga gu**

**difu mubébila monyu. Yândi ra fumu yibafumu batsengi yiyi. Akârondi manenu. Vafu yândi, âyobula manenu gu mabi metu.**

**Jean 3:16**

**Mumbâra Nsâmbi âvura ronda bisi tsengi yotsu, âvega Muânândi udikika, mure wotsu una gitu mu yândi âsâkabungana, te âkabila na monyu umubu na mubu.**

**Jérémie 31:3**

**Kâla Nsâmbi âlâbana nâmi. Yândi yâre: Makârondi yu na dironda dingiensâ. Dironda diena dikâtsingi mubu na mubu. Ra dibându, mu dingieba makâbé-lâbi yu unyi.**

**Matthieu 1:22, 23**

Mutu âbiga nayâmbila Nsâmbi re: Numba yigânenayâba dibâgala âkabâga dimi. Akabura muâna dibâgala. Bakaluga yândi nduga re: Emmanuël. Divindugulu re: Nsâmbi âyi netu. Mâmbu mena malâbana.

**I Timothée 3:16**

Gusâ mutu urungula uyâmbila re: Dyâmbu diNsâmbi sâ didinena. Alâbana mu musonyi. Dinnyunyi Disungama âyâbisa re: Ayi usungama. Biânsa, bisi yulu, balâba yândi. Mâmbu mândi malonsu gu malongu motsu. Bisi tsengi yiyi yotsu babila na gitu

mu yândi. Agâbuga gu yulu gu bundumba.

**Jean 14:9, 10**

Jésus âyâmbila nândi re: Philippe, manâtsâgala nenu yitsingu gigimbili, te yisâmayâba ma? Wotsu umalâba ma âmalâba Tâta. Tsenyi yimayâmbila re: Ritsiga yetu Tâyi âgu? Yisayâba re: Mayi mu Tâta na Tâta âyi mu ma?

**Jean 1:1 na 14**

Va dibându vabila Dufi. Dufi dibila na Nsâmbi. Dufi ra Nsâmbi. Dufi dikâluga musonyi. Di-tsâgala va ganagâretu. Dibâsa na dingieba na yimuânsa.

**I Jean 4:15**

**Mutu âgâyâmbila re: Jésus ra Muâna Nsâmbi, Nsâmbi âgonatsâgala nândi na yândi âkâguâri mu Nsâmbi.**

**Colossiensi 2:9**

**Motsu maka na Nsâmbi, na bungudu, na buyedi, na dinyânga. Motsu mana Jésus mu nyuru ândi.**

**Esaïe 9:5**

**Dimaburulu muâna. Dimavegu muâna dibâgala. Akavegu dinyânga mu tsengi. Bakatsitsanga yândi Umunyi, Nga Bandongi, Nsâmbi una bungudu, Tâyi mubu na mubu, na Fumu yipolu.**

**Luc 1:35**

**Giânsa âgâbusila yândi re: Dinyunyi Disungama dikaruga gu yu na bungudu buNsâmbi bukabila nâgu. Ra dibându muâna usungama ukabura yu, âkatsitsungu re: Muâna Nsâmbi.**

**Matthieu 17:5**

**Vayâmbilanga yândi, dibungi didibigila yâwu. Bayulu dufi gu gâra dibungi diyâmbila re: Wuwu ra muânâmi. Makârondi yândi. Yululuânu yândi.**

**Jésus âyâmbila nândi re: Mara nsila na yimuânsa na monyu. Gusândi mutu ukavioga gu Tâta vengu gu ma. —Jean 14:6**

**Jean 13:13**

Yenu dikâtsitsi ma re: Mulo-  
nsi na Fumu. Yenu dikâyâmbili  
buedi mumbâra mara Mulonsi.  
Mara Fumu.

**Jean 10:7**

Jésus âbéyâmbila yâwu re: Nu-  
ngiensa mayâmbila yenu re: Ma-  
ra muna uyivânga gimandomba.

**Jean 6:35**

Jésus âyâmbila yâwu re: Mara  
dipe dimonyu. Wotsu uguitsa gu  
ma, âsâkalâba nsâla. Wotsu una  
gitu mu ma, âsâkayulu yibuila.

**Jean 11:25**

Jésus âyâmbila yândi re: Ma-  
ra nga monyu. Marungula urâ-

mbusa bâtu gu difu. Wotsu una  
gitu mu ma, âkabila na monyu  
nisi âmafu.

**Jean 9:5**

Vaki ma mu tsengi yiyi, mara  
yivela gitsengi yiyi yotsu.

**Jean 8:23**

Ayâmbila yâwu re: Yenu bisi  
tsi yiyi. Ma muisi yulu. Yenu bi-  
si tsengi yiyi. Masâ muisi tsengi  
yiyi.

**Jean 8:58**

Jésus âgâbusila yâwu re: Nu-  
ngiensa mayâmbila yenu re: A-  
braham âmbésâmanéburu, mabi  
vâna.

**Matthieu 14:19-21**

**Ayâmbila bâtu botsu re: Tsâgalânu. Abonga mape marânu na bibera bibeyi. Abemina gu yulu. Agâbusa dinyi gu Nsâmbi. Koravâna âtâbula mape. Avega bayikitsi mugâbila bâtu botsu. Bâtu botsu bayí. Bakola. Babâsa digumi na bieva bibeyi mu birini bisâlila. Babayí babila tosini yirânu tsibabâgala. Bagietu na bââna basatâla.**

**Luc 5:5,6**

**Simon âgâbusila yândi re: Mulousi, yetu dimadyânsa dibâti diotsu. Disâdila. Mu dufi diâgu makavera disinga. Yâwu nuvera ma-**

**singa, baboka mbili bibera. Masinga mâwu mabâânda kâkuga.**

**Matthieu 20:30 na 34**

**Vabila bâtu babeyi banga pâfu. Babilanga matsâgala va tungu nsila. Vayulu yâwu re: Jésus âkavioga, babuâmuga re: Mulousi, ndândi David, lâba yetu dingieba. Jésus âlâba yâwu dingieba. Agângila yâwu mu misu. Vâna na vâna bâtu bena babeyi babeluga. Balânda yândi.**

**Matthieu 21:19**

**Alâba muiri ufuigi. Vayenda yândi nava mbâra muiri usabila ubura. Ayâmbila re: Muiri wuwu usâkabébura. Muiri uyumuga vâna na vâna.**

## **6 JESUS CHRIST RA MUKUNSITSI NA FUMU**

**Colossiensi 1:16**

**Bivâva biotsu bikunsu nândi. Biotsu bigu yulu na bigu tsi, biotsu bikâlâbani na bisâkâlâbani, nisi bufumu, nisi manyânga, nisi buvunda na bungudu, biotsu bikunsu nândi.**

**Actes 2:36**

**Bâtu botsu balsaïel bayâbi nungiensa re: Nsâmbi âsola Jésus mubila Fumu na Christ. Ra Jésus ena ugomina yenu mu kurusu.**

**Romains 14:9**

**Christ âfu na ârâmbuga gu difu mure âbili Fumu yibabafu na babamonyu.**

**Hébreux 1:2**

**Te mu dikiesi didi, âmayâmbila manenu mu muânândi. Ra yâ nândi, Nsâmbi âkunsu yulu na tsi. Ra yândi usolu na Nsâmbi mukiela bivâva biotsu.**

**Jean 1:3**

**Dufi dikunsu bivâva biotsu. Mu bivâva biotsu bikunsu gusabila yivâva nisi gimosi gisâkunsu nândi.**

**I Corinthiens 1:9**

**Nsâmbi âsâkâtsimbu bandâgi tsisiisa yândi gu bâtu. Ra yândi utsatsitsa yenu mbila munonga na muânândi, Fumu etu Jésus Christ.**



**Romains 14:10**

**Yu, mugi yigonatsundisa muâna nguâgu? Na yu, mugi yigonalensa muâna nguâgu? Manenu botsu dikatelama va wusu Nsâmbi mutsundusu.**

**Matthieu 25:32**

**Bâtu bamalangu motsu bakabila va wusu ândi. Akagâba yâwu makâbu mabeyi nakâvâgi babakâkieli batâba. Bakâsinsi mandomba giâwu yitsiga, bakângi giâwu yitsiga.**

**Actes 10:42**

**Jésus âruma yetu mulonsa bâtu re: Ra yândi uvegu dinyânga na Nsâmbi mutsundisa baba monyu na babafu.**

**Jean 5:22**

**Tâta âsâkâtsundisi mutu, te âvega ma, muânândi, mutsundisa botsu.**

**Romains 2:16**

**Motsu mana makalâbana mu wisi umutsundu. Nsâmbi mu Jésus Christ âkatsundisa motsu magu disuela gu mirima mibâtu. Ditendu nâna gu Mâmbu maNsâmbi nakâlonsi ma.**

**II Timothée 4:1**

**Magonaruma yu va wusu Nsâmbi na va wusu Jésus Christ ukatsundisa baba monyu na babafu vakaruga yândi mu bufumu buândi.**

**Actes 4:12**

Gusâ muyobulitsi ususu mumbâra gusâ mutu ususu uvegu va ganagâra bâtu mu tsi mure manenu diyobugi.

**Jean 10:9**

Mara muna yivânga. Mutu âgânyingana mu ma, âkayobulu. Akanyingananga, âkapulanga. Akadilanga kura.

**Hébreux 5:9**

Vaguârila yândi mu maguga motsu, âvegu miula. Koravâna mu yândi, botsu babakayululu yândi bakayobulu mubu na mubu.

**Hébreux 7:25**

Ra dibându Jésus âkayobula yâwu babakagogula gu Nsâmbi

mu yândi, mumbâra âyi monyu umubu na mubu musâmbila mu yâwu.

**Jean 14:6**

Jésus âyâmbila nândi re: Mara nsila na yimuânsa na monyu. Gusândi mutu ukavioga gu Tâta vengu gu ma.

**Jean 8:24**

Ra dibându matsayâmbila yenu re: Dikafu mu mabi menu. Mumbâra gê yenu disâna gitu mu ma, dikafu mu mabi menu.

**Romains 3:24**

Nsâmbi mu dingieba diândi âsâkâvânisi bâtu mu mambu mâwu, te âkâsungigi yâwu mu Jésus Christ ukâyobuli yâwu.

**I Corinthiens 1:30**

**Diyi batu baNsambi mu bungudu buJésus Christ. Dina buyedi ka mu yândi. Divegu milunga ka mu yândi. Dironda digâdinyi diyâgusunu ka mu yândi. Diyobulu ka mu yândi.**

**Colossiensi 1:12-14**

**Gâbusânu dinyi gu Nsambi na yinyunga, mumbâra âmasingisa re: Diyi bayelamina mugâbana mikuânyi miândi. Agonakiela mio gu batu bândi babasungama babakabila gu bufumu buyivela. Amapunsa manenu gu bungudu budivisama. Amasunsa manenu gu bufumu bumuânândi ukârondi yândi. Ra mu muânândi dimayo-**

**bulu na dimasingulu kokolu mu mabi metu.**

**Tite 2:14**

**Avega nyuru ândi yâbena mu manenu mure diyobulu mu mabi metu motsu, mure dibili batu bândi bayâpinsa, na mure dibili batu basungama na babamarâgama muvâga mambu mamanyi.**

**Apocalypse 5:9**

**Bayimba dimbu dimona. Yâwu re: Yika uyelamina mubonga mugânda na mudibula wo, mumbâra yiboku. Mu difu diâgu yiyobulila Nsambi batu mu bibându biotsu, mu mufi motsu, mu malongu motsu, na mu batse-  
ngi tsiotsu.**

# **10 MALUNGU MACHRIST RA MUVANA MABI**

## **Romains 5:9**

**Dimamâna lunsu na malúngu mândi, kâgu dimayobulu nândi. Disâkabelâbu kâbu na Nsâmbi.**

## **Ephésiens 1:7**

**Mu difu diChrist dimayobulu na dimasingulu kokolu mu mabi metu. Nâna Nsâmbi âlonsa manenu munóngu umunyi udingieba diândi.**

## **Hébreux 9:14**

**Gâ malúngu manyâma mana muâ tsongu, tsongu yimalúngu maChrist yitsaviogilila. Mu bungudu buDinyunyi dimubu na mubu, âvega yâbena gâ dilâgu didinyi gu Nsâmbi. Malúngu mândi makâretsi mirima mimanenu mu**

**mâmbu magána tsongu mure dirungula udyânsila Nsâmbi Monyu.**

## **I Jean 1:7**

**Gâ diguenda mu yivela gâ na yâbena mu yivela, dina yinongu nândi. Malúngu mamuânândi, Jésus, makâgungi manenu mabi motsu.**

## **I Pierre 1:18, 19**

**Yenu diyâtsi nayobulu yenu gu bifu bigána tsongu bilonsu yenu na batâyi benu. Yenu dimayobulu na bivâva bigána tsongu yingienisa gâ lora vo badola? E-e, yenu dimayobulu mu dyâmbu didilâgu didinyi diChrist. Abila gâ muâna mandomba umunyi.**

**Romains 5:1**

Vadimasungama mu gitu, diko-  
ka na polu na Nsâmbi mu Fumu  
etu Jêsus Christ.

**Galâtes 5:6**

Mumbâra mu Jêsus Christ ni-  
si ugieru nisi ugâgieru sâ dyâ-  
mbu, te nda mubila na gitu na di-  
ronda.

**I Jean 5:4**

Pâsi muâna Nsâmbi ârungula  
uviogilila bungudu butsengi yiyi.  
Ra gitu gietu gikâvegi manenu  
bungudu bu uviogilila tsengi yiyi.

**Ephésiens 2:8, 9**

Yenu diyobulu ka mu dingieba  
mubila na gitu. Nisi gitu gisâkâ-

rugi gu yenu. Nsâmbi âkâvegi gio  
ka uvega. Sâga muvâga mâmbu  
mamanyi, mure mutu âkoranye-  
muga.

**Jean 20:30**

Te mâmbu mâma matendu mu-  
re yenu dibili na gitu re: Jêsus  
ra Christ yimuâna Nsâmbi. Na  
gitu giena yenu dikabila na mo-  
nyu.

**Jean 6:28, 29**

Bayubula yândi re: A divâgi  
nda gi muvâga mâmbu naronda  
Nsâmbi? Jêsus âgâbusila yâwu re:  
Muvâga naronda Nsâmbi ra mu-  
bila na gitu mu ma usindiga  
yândi.

**Psaume 103:11 na 17**

Yulu yikavâla na tsi, munóngu umosi dingieba diândi dika didi-nena gu yâwu babakâgobisi yâ-ndi. Dingieba diNsâmbi dikâtsi-ngi mubu na mubu mu yâwu ba-bakâgobisi yândi, nisi gu bandâ-ndi bâwu.

**Psaume 108:5**

Dingieba diâgu ditsaviogilila nisi gu yulu. Dironda diâgu dikâ-puli na gu dibungi.

**Michée 7:18**

Guyi Nsâmbi yisusu gê yu? Yikâsingili bâtu kokolu. Yikâtsimbu mabi mabâtu bâgu babamasâa-

la. Yisâkâbi na kâbu mubu na mubu mumbâra yikârondi ulâ-ba bâtu dingieba.

**Lamentations 3:22, 23**

Dingieba diNsâmbi disâkavu. Disâna disukusulu. Dikâfuni na yipâli giotsu. A munóngu Nsâmbi! Yisâkâlibani.

**Tite 3:5**

Ayobula manenu sâga mu mâmbu mamanyi mavâganga manenu, te nda mu dingieba diândi. Vamayobulu manenu, dimadila batema yidinyunyi mulonsa re: Dina monyu umona. Ra Dinyunyi Disungama ukâkâlusconi manenu.

**Esaie 55:1**

Mutu wotsu ugonayulu yibui-la, ârugi nagu mamba. Nisi yâ-ndi usâna badola. Rugânu tsisu-mbiânu. Yângânu. Rugânu tsisu-mbiânu malâmu na dilait guga badola, gugâ difunu.

**Apocalypse 22:17**

Dinyunyi na dibundu, yâwu re: Ruga. Mutu wotsu ugonayulu, âyâmbili re: Ruga. Wotsu unáyulu yibuila, ârugi. Wotsu una nsála mamba mamonyu, âbongi mo gugávega badola.

**II Timothée 1:9**

Ra yândi uyobula manenu na yândi ra utsitsa manenu mubila

bâtu bândi. Asavâga nâna mu dyâmbu dimâmbu maditsavâga te nda natsagâna yândi mu dingieba diândi nagi unékunsa yândi tsengi.

**Matthieu 11:28**

Rugânu gu ma yenu botsu badigonalâba pága na mifuna. Makasunsa mirima mienu.

**Esaie 1:18**

Nsâmbi yâre: Rugânu, tâbulânu dyâmbu. Nisi mabi menu maka gê munguli, makabila mafuga gê dibungi. Nisi mabi menu maka mapinda gê batsâfu, maka-kâluga mafuga na vé.

**Romains 8:14, 15**

Botsu babakâvâgi narumu yâwu na Dinyunyi Disungama ra bââna baNsâmbi. Yenu disâvegu matâsa mabuviga mulâba woma, te Dinyunyi dika nenu, âkâkâlusi yenu bââna baNsâmbi mu-re dirungula urâpila Nsâmbi re: Tâta.

**Philippiens 2:15**

Ra dibându yenu dikabila bââna baNsâmbi basungama babagâ na mbela va ganagâra batu bababi batsengi yiyi. Gâbânu tsângu yimonyu nâwu. Bilânu va ganagâra batu bena munôngu umosi gâ banyetsa.

**I Jean 3:10**

Yâbânu, gusâ pága muyâbare: Bâba ra bââna baNsâmbi na bana ra bââna baDyâbara. Wotsu usâkâvâgi mâmbu masungama na wotsu usâkârondi mbâtsi ândi, yândi sâ muâna Nsâmbi.

**II Corinthiens 6:17, 18**

Ra dibându Fumu yâre: Yenu buedi disiisi yâwu. Buedi muburuga va ganagârâwu. Sâ buedi nisi mugogula gu mâmbu magâmanyi. Koravâna makasângila yenu. Fumu yina bungudu bungienisa yâre: Makabila Tâyenu. Yenu dikabila bââna bâmi bababâgala na bagietu.



**Romains 13:13, 14**

Dibiliânu na bitsâgalitsi bibinyi biyivela. Siisânu bibengunu bigâbinyi, na dilângi, na butsuâri, na ubila na yilâmba, na uvâgana, na diguâvi. Duârânu monyu umona gê yiduâri mu Fumu Jésus Christ. Diyâgâbuga mudungumusu na mambu makârondi batu.

**Galates 5:19-21**

Diyâtsi mambu mayenu bena na vela. Mambu mena ra uvâga butsuâri, na ubila na matâsa mabuânsi, na uvâga yikânsi gigâginyi, na ugitsa bambumba, na uvâga biviva, na uvâga bungânga, na ubila na yibena, na uvâ-

gana, na ubila na ngusu, na ulâba kâbu, na uvâga mitsuâku, na urimbula, na uputasana mambu maNsâmbi mamosi na mambu mabâtu mudungimisa bambâtsi, na ubila na diguâvi, na ubila na dilângi, na ubila na munsunsu, na uvâga mambu masusu mamunôngu wena. Mamâna yâmbila na mabéyâmbila yenu re: Wotsu ukâvâgi mambu mena, âsâkaputasana mu yitsuku giNsâmbi.

**Proverbes 23:31, 32**

Yiyâbemina malâmu, nisi mabenga mamanyi, nisi maka na difuitsi. Disukusulu dimo ra munôngu umosi gê yimakâgu na mbisi.

Jésus ágâbusila yândi re: Ronda Fumu âgu Nsâmbi na muri-ma umosi. Ra dyâmbu dimarega. Ra dyâmbu ditsaviogilila mâmbu motsu. — Matthieu 22:37, 38

Marc 10:17-22

Mutu wena âyubula Jésus re: Mulonsi umunyi, mavâgi nda tse-nyi mudila monyu umubu na mubu? Jésus ágâbusila yândi re: Yimatsitsa ma mulonsi umunyi nda mugi? Gusândi mutu umunyi vengu Nsâmbi yâpinsa. Yiyâtsi migiela miNsâmbi re: Yiyâboka mutu. Yiyâvâga butsuâri. Yiyâyiba. Yiyâfurigila mbâtsi dyâmbu. Yiyâvâga bitula. Gobisa tâyâgu na nguâgu. Agâbusila yândi re:

Mulonsi, ubâânda vabânguga ma, makâkieli migiela miena miotsu. Jésus âbemina yândi na âronda yândi. Koravâna âyâmbila yândi re: Yigonabunu dyâmbu dimosi. Yenda muyesumbisa biotsu binâgu. Badola tsikadila yu mu bio, vega gu bivâsi na yikadila muisenda gu yulu. Koravâna ruga. Lânda ma. Dibâgala diena âlâba pâga mu mâmbu mena. Ayenda na nyuru yotsu yivola mumbâra âbila na mbili bivâva bina tsongu yingiensa.

Proverbes 16:25

Guyi nsila bâtu bakâtâsi re: Nsila yiyinyi, kâgu nda nsila yikâyendi gu difu.

**Jacques 1:22**

Kielânu bandongi, sâka muyulu pinsa. Diyâdungumusu mutâsa mambu maufura.

**Ephésiens 5:6**

Diyâdungumusu na mambu magâna tsongu nakâyâmbili bâtu. Ra mu mambu mena batu bakâbusi Nsâmbi. Yândi âkâlâbi yâwu kâbu mu mo.

**I Corinthiens 6:9, 10**

Yenu disayâba re: Babakâvâgi mambu magâmanyi basâkadila mikuânyi miNsâmbi gu yulu? Diyâdungumusu. Babakâyâmbili mambu magâmanyi na babakâgitsi bambumba, na banga bu-tsuâri, na babakâvâgi mambu ma-

giâyugu, na banga yiba, na banga nyima, na babakâlângi na malâmu, na babakâsengi bambâtsi, na banga mbâbu, basâkadila mikuânyi miNsâmbi gu yulu.

Bââna bâmi, diyâdungumusu na pâsi mutu. Wotsu ukâvâgi mambu masungama ra mutu usungama munóngu umosi na Jésus Christ ra usungama. Wotsu ukâvâgi mabi ra mutu uDyâbara mumbâra Dyâbara âvâganga mabi ubâânda va dibându. Muâna Nsâmbi âruga mure digânu di-Dyâbara dikavu. — I Jean 3:7, 8

Gâ mutu âtâsa re: Ma mutu umunena te âsâ umunena, âgonandega nyuru ândi. —Galates 6:3

**Romains 5:12**

Ra dibându mabi madugulu gu bâtu botsu ka mu mutu umo-si. Mu mabi, difu didugulu gu bâtu botsu mumbâra botsu bavâga mabi.

**Luc 15:32**

Te dyâmbu didinyi mulâba buedi na mulâba unyi, mumbâra muâna nguâgu âbetsi gâ mutu umafu. Amitsa mubila monyu. Atsiemuga. Amabêlâbana.

**Proverbs 11:19**

Mâmbu masungama makâyensi mutu gu monyu, te mâmbu magâmanyi makâyensi mutu gu bungana.

**Jacques 1:15**

Disukusulu dimabi ra difu.

**Romains 8:6**

Matâsa magâmanyi nakânyimi nyuru enu makâboki, te matâsa maDinyunyi makâvegi monyu na polu.

**Ezéchiél 18:20**

Mutu ukâvâgi mabi, âkafu. Muâna âsâkabonga mbela yitâyândi na tâyi âsâkayâgula mu mbela yimuânândi. Mâmbu masungama mavâganga mutu umunyi makalânda yândi. Mâmbu magâmanyi mamutu umubi makâtârama nândi.

**Luc 7:14, 15**

**Agogula. Agângila mukuângu. Babanângula fumbi batelama. Ayâmbila re: Mufudu, râmbuga. Fumbi ârâmbuga. Atsâgala. Abâânda yâmbila.**

**I Corinthiens 15:25, 26**

**Buedi Christ âbili na dinyânga kuânga navakamâna Nsâmbi utsârila bakolitsi bândi botsu. Difu ra mukolitsi umunena. Christ âkasukisa bunga difu.**

**Jean 11:43, 44**

**Va mâna yândi uyâmbila nâna, âbuâmuga na dufi didinena re: Lazare, pula. Fumbi yipula. Bio-ru na miogu bibila bitungu na**

**babânda na wusu ândi ubila upitu na tsânda. Jésus âyâmbila nâwu re: Nyângulânu yândi. Aye-ndingi.**

**Jean 10:17, 18**

**Tâta âkârondi ma mumbâra makafu mure makabégâbuga monyu. Gusândi mutu ukadumba ma wo, te makafu mabena. Mana bungudu mufu, na mana bungudu mubégâbuga monyu. Nâna ra narumu ma na Tâta.**

**Apocalypse 1:18**

**Mayi monyu. Mara ufu. Mayi monyu mubu na mubu. Mara una misâpi midifu na mimbâwu yigâtsima.**

**Deutéronome 5:7-21**

**Yiyâbila na bambumba va wusu âmi.**

**Yiyâvâla yigolani nisi yibâgunu giyivâva gigu yulu nisi gi-va tsi nisi gigu mamba. Yiyâgudama va wusu bio. Yiyâgitsa bio.**

**Yiyâtuba dina diFumu âgu Yâve giâyugu. Fumu âkakilisa yâ-ndi ukâtubi dina diândi giâyugu.**

**Yiyâtsimbu mukiela wisi uloo-ga. Buedi mudyânsa mu tsufu yisâmunu mumâna madyânsa mangu motsu. Mu wisi utsââmbu yikalooga.**

**Gitsa tâyi na ngúyi narumu**

**yu na Fumu âgu Nsâmbi.**

**Yiyâboka.**

**Yiyâvâga butsuâri.**

**Yiyâyiba.**

**Yiyâfurigila mbâtsi âgu.**

**Yiyânyima ndâgu mbâtsi âgu. Yiyânyima mugâtsi umbâtsi âgu, nisi mudyânsitsi wândi udibâgala nisi mudyânsitsi wândi umugietu, nisi yibodu giândi, nisi yivâva giotsu gimbâtsi.**

**Jean 13:34**

**Malonga yenu ndongi yimona re: Rondanânu yenu na yenu. Nava maronda yenu, yenu gândi, rondanânu yenu na yenu.**

**Psaume 139:8 na 12**

Gâ mamâka gu yulu, yika vâna. Gâ masunda gu yitsiga giba-bafu, yika vâna. Nisi bilunsa bisâna divisama va wusu âgu. Dibâti dika gâ wisi na divisama gâ yivela.

**Jérémie 23:24**

Nsâmbi yâre: Mutu nyi âkasuema gu yitsiga gigâyâba ma? Masâkalâba yândi? Masâ gu bitsiga biotsu biyulu na tsi?

**Job 34:21, 22**

Nsâmbi âkâlâbi bitsâgalitsi bibâtu botsu. Akâlâbi gukâyendi yâwu. Gusândi yisuemulu va wusu Nsâmbi gu bâtu babakâvâgi

mabi, nisi gu divisama, nisi gu difu.

**Luc 8:17**

Yivâva giotsu gisuegu gikalâbana. Dyâmbu diotsu diyâmbulu gu disuela dikayâbunu.

**Proverbes 15:3**

Misu maNsâmbi maka gu tse-  
ngi yotsu. Akâlâbi na bababi na babanyi.

**Hébreux 4:13**

Gusâ disuga musuega dyâmbu va misu maNsâmbi. Biotsu bikun-  
su nândi bika na vela va wusu  
ândi. Mu mâmbu metu motsu di-  
kayâgula va wusu ândi.

**Psaume 9:18**

Bâtu bababi bakâyendi gu yitsiga gimaguga. Batsengi tsiotsu tsikâlibani Nsâmbi, munóngu umosi.

**Matthieu 13:41, 42**

Ma Muâna mutu makasindiga biânsa biâmi mutsula babakâdu-ngimisi batu na batu babakâvâ-gi mabi va mbâra bââna bâmi. Bakavera yâwu gu mbâwu yiyi-nena. Guna gukabila bakondu na uguerisa minu.

**Matthieu 18:8**

Gâ gogu wâgu umatsimbusu yu, tâbula wo nuvera. Gâ gioru giâgu gimatsimbusu yu, tâbula gio nuvera gu vâla. Nisi yitsaye-

nda gu monyu na gioru gimosi vo na gogu utâbuga, ka buedi. Mubila na bioru biotsu na mio-gu miotsu mibeyi nuveru gu mbâwu yigâtsima sâ buedi.

**II Pierre 3:7**

Namunyi Nsâmbi na dufi diâ-ndi âgonakiela yulu na tsi. Agonakiela bio ngu na wisi ukatsundusu batu bababi na bakayenda gu bungana. Koravâna âkabunga yulu na tsi na mbâwu.

**Matthieu 25:46**

Bâtu bena ra babakakilusu mubu na mubu, te batu basungama bakayenda gu monyu umubu na mubu.



**Romains 14:12**

Munóngu umosi, mutu mutu âkayâmbila Nsâmbi ka mambu mayâbena.

**Actes 17:31**

Akunsâ wisi ukatsundisa yâ-ndi batu batsengi yotsu. Mutu usola yândi âkapâsa mambu bue-di. Ayâbisa botsu dyambu diena varâmbusa yândi mutu wena gu difu mubébila monyu.

**II Peirre 2:9**

Kâgu Fumu âsatsimbu disuga diuvâtisa yâwu gu dimângu babakâguâri mu yândi. Ayâtsi gândi ukiela bababi ngu na wisi umutsundu vakakilusu yâwu.

**I Jean 4:17**

Didi dikâlonsi re: Dironda di-manenu dika didinyi. Gâ diyi wera Jésus Christ gu tsengi yiyi, dikabila gugâ woma vo tsonyi mu wisi umutsundu.

**Hébreux 9:27**

Batu botsu bakâfu dikiesi dimosi, koravâna bakatsundusu na Nsâmbi.

**II Corinthiens 5:10**

Manenu botsu dikatelama va wusu Christ mutsundusu nândi. Mutu wotsu âkavegu munóngu umosi navâga yândi va bila yândi mu nyuru ândi, gâ nda manyi vo nda mamabi.

Mbela yiAdam yisaviogilila dingieba diNsâmbi unena. Nungienisa bambili bamafu mu dyâmbu dimbela yimutu wena umosi, te dironda diNsâmbi dimaviogilila unena. Nsâmbi âsindiga mutu umosi, Jésus Christ. Navega Nsâmbi mutu wena gu bâtu botsu ra dyâmbu didinena. - Romain 5:15

### I Pierre 5:5

Ditendu gu Mâmbu maNsâmbi re: Nsâmbi âkâkoli botsu babakâmâkisi manyuru, te âkâsunsimiula gu yâwu babagâ na nyemu.

### Romain 9:16

Dyâmbu diena disâna mutu, nisi gâ âronda vo gâ âyeligâ na bungudu buândi. Dyâmbu die-

na dika na Nsâmbi pinsa naronda yândi ulâba dingieba.

### Actes 4:33

Bakima bayâmbila bumuenyi na bungudu. Bayâmbila natsarâmbuga Jésus gu difu. Miula miNsâmbi mibila nâwu botsu.

### II Corinthiens 9:15

Digitsi Nsâmbi mumbâra navega yândi muânândi ra dyâmbu didinena. Disarungula usupula munóngu udironda diNsâmbi.

Yenu disâtsimbu na dironda diFumu etu, Jésus Christ. Abila yikiti te âsinga mubila yivâsi mu yenu. Asinga nâna mure yenu dikadila miula. — II Corinthiens 8:9

**Actes 17:30**

**Nsâmbi âvura minila batu mâmbu mu dikiesi dikâla, te nama-pâpa âgonaruma botsu mu bitsiga biotsu mukâlula buyedi.**

**Luc 13:3**

**Mayâmbila yenu re: Sâ nâna. Te gê yenu disakâlula buyedi, yenu dikabungana munóngu umosi.**

**Actes 3:19**

**Kâgu singânu mabi menu nukâlula buyedi mure mabi menu maburugi. Koravâna yenu dika bila na mirima misunda.**

**II Corinthiens 7:10**

**Mulâba pâga vakâsembu yenu na Nsâmbi ra dyâmbu didinyi.**

**Mulâ pâga nâna, yenu dikasinga mabi menu nusiisa mo. Nâna sâra buedi? Batu batsengi yiyi bakâlâbi pâga gândi, te pâgena yisâkâyâmuni yâwu, yikayensi yâwu gu difu.**

**Actes 2:38**

**Pierre âyâmbila yâwu re: Singânu mabi menu. Mutu mutu âbâtusu mu nduga yiJésus Christ mure âsingulu kokolu. Koravâna yenu dikavegu Dinyunyi Ditungama.**

**Matthieu 3:2**

**Alonsanga re: Kâlulânu buyedi mumbâra Fumu yulu âsâka-tsinga nuruga mukiela yenu.**

**Ezéchiél 18:21**

Mutu umubi gâ âsiisa mabi mândi motsu nukuela migiela miâmi, gâ âvâganga ka mâmbu manyi na masungama, âkabila monyu. Asâkafu.

**Apocalypse 3:20**

Yuluânu, maka va mura ndâgu nudukisa va giâbutsu. Ukayulu dufi diâmi, âtsibulili ma. Makanyingana gu yândi na manândi dikayí kura.

**Esaïe 55:7**

Mutu umubi âsiisi bitsâgalitsi biândi. Nga mabi âsiisi matâsa mândi. Agâbugi gu Nsâmbi ukalâba yândi dingieba. Agâbugi gu

Nsâmbi etu usâkâkoli musingila batu kokolu.

**Actes 5:31**

Nsâmbi âsunsa yândi gu tselu yimabâgala mândi mubila Fumu na Muyobulitsi. Avâga nâna mure bisi Israël bakâluli buyedi. Akasingila yâwu kokolu mu mabi mâwu.

**Marc 2:5**

Jésus nulâba gitu gibâtu be-na, âyâmbila na yikâta re: Muânâmi, mabi mâgu mamasingulu kokolu.

**Matthieu 6:14**

Yenu gâ disingila bambâtsi kokolu, Tâyenu yigu yulu âkasingila yenu kokolu.

**Colossiëns 3:2**

**Rondânu mambu magu yulu  
sâga magu tsi.**

**Tite 2:11, 12**

**Nsâmbi âlonsa na dironda di-  
ândi. Mu dironda diena batu bo-  
tsu barungula uyobugu. Mu dio  
âgonalonsa manenu mubusa bifu  
bigâbinyi na mambu matsengi  
yiyi. Agonalonsa manenu mutsâ-  
gala na buyedi na mubila baba-  
nyi na basungama mu tsengi yiyi.**

**Ephésiëns 5:11**

**Diyâputagana na mambu ma-  
divisama magâna tsongu. Buedi  
musupula mambu mena gu yive-  
la.**

**Esaïe 1:16**

**Builânu. Bilânu gugâ bambi-  
ndu. Burulânu mabi menu va wu-  
su misu mâmi. Diyâbévâga mâ-  
mbu magâmanyi.**

**I Jean 2:15, 16**

**Diyâronda tsengi yiyi nisi bi-  
vâva bitsengi yiyi. Gâ mutu âro-  
nda tsengi yiyi, âsâna dironda  
diTâta Nsâmbi. Mumbâra motsu  
mamu tsengi yiyi — nakâlâbi bâ-  
tu nsâla muvâga mambu, nakâ-  
nyimi batu bivâva na misu, na-  
kâmâkisi batu manyuru — mâ-  
mbu mena motsu masâkârugi gu  
mbuga Nsâmbi, te ka mambu ma-  
tsengi yiyi.**

**Ezéchiél 36:26**

Makavega yu murima umona. Makasunsa dinyunyi dimona gu gârâgu. Makaburula murima ugâ dimânyi nuvega yu murima umu-sonyi.

**I Jean 2:29**

Gâ yiyâtsi re: Yândi ra usungama, yiyâtsi gândi re: Mutu wotsu ukâvâgi mâmbu masungama ra muânândi.

**II Corinthiens 5:17**

Mutu wotsu uyi mu Christ ra mutu umona. Bifu biândi bikâla, âsâkabévâga bio. Bifu biândi biotsu koka bimona.

**I Jean 5:18**

Diyâtsi re: Mutu Nsâmbi âsa-konda vâganga mabi. Muâna Nsâmbi âgonakiela yândi na mutu umubi, Satan, âsâna dinyânga muruma yândi.

**Jean 3:3**

Jésus âgâbusila yândi re: Nungiensa, mayâmbila yu re: Gâ mutu âsaburu diburu dimona, âsâkalâba bufumu buNsâmbi.

**I Pierre 1:23**

Yenu dimaburu diburu dimona sâ na batâyi bakafu, te nda na Tâyi yigâfu. Nâna ra nalonsa Mâmbu maNsâmbi mamonyu.

**Ephésiens 2:1 na 6**

Kâla yenu gândi dibila gâ bafumbi mu dyâmbu dimâmbu magâmanyi na mabi menu. Manenu nubila mu Jésus Christ, Nsâmbi ârâmbusa manenu nândi na âtsigisa manenu nândi gu yulu.

**Colossiens 3:1**

Yenu na Christ dirâmbusu gu difu mubébila monyu. Kâgu, bilânu na nsâla mambu magu yulu gukâtsâgali Christ va mabâgala maNsâmbi.

**I Pierre 2:24**

Christ yâbena âbâga mabi menu mu nyuru ândi mu kurusu. Avâga nâna mure dibili gâ ba-

fumbi mu dyâmbu diuvâga mabi na mure dibili monyu muvâga mambu masungama. Yenu dimabeluga mumbâra yândi âtso-ga.

**Galates 5:24**

Babamu Jésus Christ bamâna boka matâsa mâwu makâla na nsâlâwu yikâla.

**Romains 6:2 na 11**

Manenu diyi gâ bafumbi babasarungula ubévâga mabi. Tsenyi dikabégâbugila muvâga mambu magâmanyi? Yenu gândi, buedi mutâsa re: Diyi gâ bafumbi mu dyâmbu diubévâganga mabi. Diyi monyu mudyâmbu diJésus Christ muvâga naronda Nsâmbi.

**Galates 6:8**

Wotsu ukavâra mambu mayâ-bena, âkadila difu. Te wotsu ukavâra mambu maDinyunyi âkadila monyu umubu na mubu mu Dinyunyi Disungama.

**Jean 3:14, 15**

Gâ nasimbula Moïse nyoga mu tsengi yiyumuga, munóngu umosi ma, Muâna mutu, makasimbulu gândi mure wotsu ukabila na gitu mu ma, âkabila na monyu umubu na mubu.

**Jean 17:3**

Monyu umubu na mubu ra muyâba yu, ra Nsâmbi mosi pinsa yingiensa, na muyâba ma usindugu nâgu.

**Jean 3:36**

Wotsu una gitu mu Muâna Nsâmbi, âna monyu umubu na mubu. Wotsu unâbusa Muâna Nsâmbi âsâna monyu wena, te kâbu Nsâmbi yiva yulu ândi.

**Romains 6:23**

Futu mabi difu, te Nsâmbi âkâvegi monyu umubu na mubu mu Jésus Christ fumu etu.

**Jean 5:24**

Nungiensa, mayâmbila yenu re: Wotsu umayulu dufi diâmi na una gitu mu yândi usindiga ma, âna monyu umubu na mubu, Asâkavegu mbela. Abetsi gu difu, âmavioga gu monyu.



**Esaïe 32:17**

**Yisâlu gimâmbu masungama  
ra polu. Disukusulu dimo ra  
ulooga nubila na murima usu-  
nda mubu na mubu.**

**Galates 4:6**

**Mulonsa re: Yenu ra bââna  
bândi, Nsâmbi âsindiga gu mi-  
rima mietu Dinyunyi diMuânâ-  
ndi. Dinyunyi diena âgonayâ-  
mbila re: Tâta, Tâta.**

**Romains 8:16**

**Dinyunyi diNsâmbi yâbena  
âgonatsigimisa gu manyunyi me-  
tu re: Diyi bââna baNsâmbi.**

**Bââna bâmi, sâ buedi gâ diyâ-  
mbila ka na muna re: Makâro-**

**ndi yu. Buedi dironda dietu dilâ-  
bani mu mâmbu makâvâgi ma-  
nenu. Dironda dingiensa. Ra nâ-  
na dikayâba nungiensa re: Diyi  
mu yimuânsa. Ra nâna mirima  
mietu mikabila misunda va wusu  
Nsâmbi. — I Jean 3:18, 19**

**Jean 14:21**

**Wotsu ukayulu bandongi bâ-  
mi nukuela tsio, ra yândi ukâr-  
ondi ma. Wotsu ukârondi ma,  
âkarondu na Tâta. Makaronda  
yândi na makayâbana nândi.**

**Dirungula uyâba re: Diyi mu  
Nsâmbi na yândi âyi mu mane-  
nu mumbâra âvega manenu Di-  
nyunyi diândi. — I Jean 4:13**

# CHRIST NUTSAGALA NAGU AKAKONDI YINYUNGA

**Jean 17:13**

Namapâpa maguitsa gu yu. Mamayâmbila mambu mena mu tsengi yiyi mure yinyunga giâmi gibili giginena mu yâwu.

**Romains 14:17**

Bufumu buNsâmbi sâ dyâmbu diuyí vo diunu, te nda mambu masungama, na polu na yinyunga gikâvegi Dinyunyi Disungama.

**Galates 2:20**

Magomunu na Christ va kuru, te mayi monyu. Sâga ma uyi monyu, te nda Christ uyi monyu mu ma. Mambu motsu manânavâga ma, makâvâgi mo na

gitu mu Muâna Nsâmbi. Yândi ra uronda ma. Afu mu ma.

**Esaïe 12:3**

Yenu dikateganga mamba na yinyunga gu ditegulu dimonyu.

**Jean 15:11**

Mayâmbila yenu mambu mena mure yinyunga giâmi gibili mu yenu. Yinyunga giena gikabila giginyi.

**Psaume 16:11**

Yikalonsa ma nsila yimonyu. Guyi yinyunga giginena va wusu âgu. Mambu mana yinyunga gimubu na mubu mayi va mbârâgu.

**I Samuel 12:15**

Te yenu gâ dibusa yululu du-fi diNsâmbi Monyu na yenu gâ dibusa mambu maNsâmbi Monyu, yândi âkabusa yenu nava busa yândi batâyi benu.

**Romains 6:16**

Yenu diyâtsi buedi re: Yenu gâ didyânsila mutu, yenu dika-yululu yândi. Yenu ra baviga bayândi ukâyululu yenu — gâ nda mabi makâyensi batu gu difu, gâ nda mambu mamanyi makâlonsi batu mutsâgala buedi va wusu Nsâmbi.

**II Thessaloniens 1:7-9**

Akavega polu gu manenu badigonalâba maguga. Dikalâba nâ-

na vakaruga Fumu etu Jésus na biâsa biândi. Yâwu bana bungudu. Akaruga va ganagâra dilimi dimbâwu mukilisa babagâyâba Nsâmbi na babagâyululu mambu maFumu etu Jésus. Bakakilus mubungana mubu na mubu gu vâla na Fumu etu na bungudu buândi.

**Deutéronome 11:26-28**

Yuluânu, makasunsa va wusu enu namunyi miula na mulogu. Yenu gâ dikiela migiela miNsâmbi enu yiMonyu, yenu dikadila monyu. Magonalonsa yenu mio namunyi wuwu. Yenu gâ dibusa ukiela migiela miNsâmbi enu yiMonyu, yenu dikalogu.

**Philippiens 2:11**

**Buedi botsu bayâmbila re: Jésus ra Fumu nugitsa Tâta Nsâmbi.**

**Matthieu 10:29, 30**

**Mutu wotsu usâkaruna ma va wusu bâtu, masâkaruna yândi va wusu Tâta yigu yulu. Te wotsu ukabusa ma va wusu bâtu, makabusa yândi va wusu Tâta yigu yulu.**

**Romains 10:9, 10**

**Gâ yisinga na muna wâgu va wusu bâtu re: Jésus ra Fumu, gâ yina gitu gu murima wâgu re: Nsâmbi ârâmbusa yândi gu difu mubébila monyu, yikayobulu.**

**Mutu âkabila usungama mumbâra na murima wândi âka na gitu gu Nsâmbi. Mutu âkayobulu mumbâra na muna wândi âmasinga.**

**I Jean 2:23**

**Mutu ubusa muâna, âmabusa na tâyi gândi. Mutu uyâtsi muâna, âyâtsi na tâyi gândi.**

**Luc 9:26**

**Mutu wotsu ukalâba tsonyi mu ma na mu mâmbu mâmi, ma Muâna mutu gândi, makalâba tsonyi mu yândi vakaruga ma. Makaruga na biânsa bisungama na bundumba buâmi bukavegu ma na Tâta.**

**II Thessaloniens 2:9**

Koravâna mutu umubi âkaruga mu bungudu buSatan. Akavânga bimuila na bilimba biufura bimunóngu munóngu.

**I Pierre 5:8**

Diyâbila biolu. Rimbânu. Mukolitsi wenu, Dyâbara, âkâlegi bâtu munóngu umosi gâ magiena mubunga yâwu.

**Matthieu 4:1 na 10, 11**

Dinyunyi Disungama âruma Jésus muyenda gu tsengi yiyumu-ga mumângu na Dyâbara. Jésus âgâbusila yândi re: Buruga vâna, Satan. Ditendu re: Buedi mugobisa ka Fumu âgu Nsâmbi na udyânsila yândi pinsa. Kora-

vâna Dyâbara âsiisa yândi. Biânsa baruga va mbârândi muyâ-muna yândi.

Bongânu biluâni biotsu bive-gu manenu na Nsâmbi mure diru-ngula uguâra nubusa bikumbu biDyâbara. — Ephésiens 6:11

**Actes 26:18**

Manásindiga yu mure yidibu-li yâwu misu. Yikaburula yâwu gu divisama nuyensa yâwu gu yivela. Yikadumba yâwu gu dinyânga diSatan mugâbusa yâwu gu dinyânga diNsâmbi. Yâwu nubi-la na gitu mu ma, bakasingulu koku mu mabi mâwu. Bakadila yitsiga va ganagâra bâtu baNsâmbi.

**II Thessaloniens 2:12**

Fumu etu Jésus âkabunga mutu wena umubi na mufu wândi vakaruga yândi na yivela gigi-nena.

**Jacques 4:7, 8**

Yululuânu Nsâmbi. Guârânu na Dyâbara âkarina yenu gu vâ-la. Gogulânu gu Nsâmbi na yâ-ndi âkagogula gu yenu.

**Hébreux 2:14**

Akâtsitsi yâwu re: Bââna. Bââna bana manyuru na malungu, kâgu Jésus yâbena âruga mubila mutu gâ yâwu. Avâga nâ-na mure vafu yândi, ârungula uburula dinyânga diDyâbara una bungudu budifu.

**Romains 8:35 na 37**

Ukayâgasana manenu na diro-nda diChrist nda nyi? Maguga marungula? vo nda pága yiyine-na, vo nda muritsugu maguga, vo mulâba nsâla, vo mubila yivâsi, vo mulâba woma, vo nda difu? Mu mâmbu mena motsu dirungula uguârila mu bungudu buyândi ukârondi manenu.

**I Jean 3:8**

Wotsu ukabékonda vâga mabi, âka mutu uDyâbara, mumbâra Dyâbara âvâganga mabi ubânda va dibându. Ra dibându Muâna Nsâmbi âruga mukâra bisâlu biDyâbara.

**I Corinthiens 13:1**

Nisi matsayâba uyâmbila mu-fi masusu na mabiânsa, gâ masâ-na dingieba maka gâ pâmbu yigonasigu ka nsolu.

**I Jean 4:20**

Mutu gâ âyâmbila re: Makâron-di Nsâmbi na yândi âkâkoli muâna nguândi, mutu wena ra mufuritsi. Nungiensâ âsâkarungu-la uronda Nsâmbi ugâlâba yândi gâ âsagonaronda muâna nguândi unâlâba yândi makiesi motsu.

**I Jean 3:14**

Diyâtsi re: Dimaburugu gu difu munyingana gu monyu mum-bâra dikâron-di bââna batâyi. Wotsu ugâna dironda, âkika gu difu.

**Jean 13:35**

Gâ yenu dirondana yenu na yenu, bâtu botsu bakayâba re: Yenu dika bayikitsi bâmi.

**Galates 5:22, 23**

Mâmbu maDinyunyi Disungama ra ubila na dingieba, na yinyunga, na polu, na mirima digumi, na giensa, na uyâmunana, na ubila na muginyinyi, na usigama, na ubusa diviosilila dimurima.

**Jean 21:16**

Akonda yubula re: Simon, yimuâna Jonas, yinânaronda ma? Pierre âgâbusila yândi re: E, Fumu, yiyâtsi re: Manâron-da yu. Jésus âyâmbila yândi re: Kiela mandomba mâmi.

Actes 10:39-41

Yetu ra bimuenyi bimâmbu motsu mavâga yândi gu Jérusalem na gu tsengi yibaJuifs. Yâwu baboka yândi nugomina yândi mu muiiri. Nsâmbi ârâmbusa yândi gu difu mu wisi umureru. Vamamâna yândi urâmbuga gu difu, Nsâmbi âsingisa re: Alâbani sâ gu batu botsu te nda gu yetu bimuenyi bimâna solu na Nsâmbi. Alâbana netu badiyânga nândi na badinuanga nândi.

Vamâna Jésus urâmbuga gu difu va magielu mawisi tsonu, âregila lâbana na Marie, yimuisi Magdala upusu démon tsâmbu nândi. — Marc 16:9

Tsufu pombu nuvioga, bayikitsi baJésus babébila mu ndâgu, na Thomas âbila nâwu. Biâbutsu bibila bitsibugu. Jésus âruga. Alâbana va ganagârâwu. Ayâmbila re: Polu gu mbugenu. Vâna âyâmbila na Thomas re: Gogisa mulembu wâgu na vâva. Lâba makâka mâmi. Gogisa na dikâka diâgu gândi. Sunsa dio mu dibânsi diâmi. Yiyâbila na bapâga, te bila na gitu. Thomas âyâmbila re: Yira Fumu âmi. Yira Nsâmbi âmi. — Jean 20:26-28

Agâbu nufu mu dyâmbu dimabi metu. Agâbusu gu monyu mure dibili basungama va wusu Nsâmbi. — Romains 4:25



**Matthieu 16:21**

Jésus âbânda ulonsa bayiki-tsi bândi re: Makayenda gu Jérusalem. Bivunda bibâtu na bivunda babakâyoki malâgu na babakâtendi mâmbu bakaritsiga ma maguga mambili. Makaboku. Makabérâmbuga gu difu mu wisi umureru.

**Jean 5:25 na 28, 29**

Mayâmbila yenu nungiensa re: Dikeisi dikoka bebala na dio dimaruga. Babafu bakayulu dufi di-ma, Muâna Nsâmbi, na yâwu babakayulu dio, bakabila na monyu. Diyâsimina mumbâra dikiesi dika bebala. Botsu babamu basongu bakayulu dufi diâmi. Ba-

kapula. Yâwu babavâga mamanyi bakarâmbusu mudila monyu, te yâwu babavâga mabi bakarâmbusu muvegu mbela.

**Romains 6:3-5**

Yenu disayâba re: Manenu botsu badimabâtusu mubila umosi na Jésus Christ, dimabâtusu mubila nândi gu difu diândi? Kâgu, mubâtusu manenu dimaveru nândi gu difu, mure munóngu umosi narâmbusu Christ gu difu na bungudu bubunena buTâyandi, manenu gândi dirâmbusu mudila monyu umona. Gâ manenu diyi nândi gu difu diândi, dikabila nândi gândi varâmbuga yândi gu difu.

**Luc 1:74, 75**

Vakamâna yenu upunsulu bakolitsi benu, makasingisa yenu mudyânsila ma gugá woma na mubila batu basungama batsufu tsienu tsiotsu.

**I Pierre 1:15**

Yândi umatsitsa yenu âka usungama. Na yenu gândi bilânu basungama mu motsu makâvâgi yenu.

**I Pierre 1:2**

Yenu disolu kâla na Nsâmbi Tâyi mubila bândi mu bungudu buDinyunyi Disungama. Disolu muyululu Jésus Christ na mugu-ngu na malúngu mândi.

**II Corinthiens 7:1**

Bawâyiânu, bandâgi tsiotsu tsina tsika na tsongu gu manenu. Ra dibându siisânu motsu makâbunsi na nyuru na murima. Vâgânu mambu masungama na muginyinyi nulâbanga Nsâmbi woma.

**II Timothée 2:21**

Gâ mutu yâbena âkakunsa murima wândi nusiisa mambu mena magâmanyi, âkabila uyelamina muvâga bisâlu bibinena. Fumu ândi ârungula umema mu yândi re: Aka na tsongu nâmi. Aka utsonsama mutsitsu muvâga bisâlu biotsu bibinyi.

**Esaïe 35:8**

Gukabila mumbâmba umunena. Bakatsitsanga wo mumbâmba usungama. Mutu umubi nisi umosi âsâkavioga vâna. Nsilena yikabila yibasungama. Babakabonga nsilena, nisi babagâna buyedi, basarungula uvâva.

**Hébreux 13:12**

Ra dibându Jésus gândi âfu mâ vâla na musengi mure âretsi bâtu na malûngu mândi.

**I Jean 1:9**

Gâ disinga mabi metu, yândi âyi umunyi na usungama musingila manenu kokolu na mugunga manenu mabi motsu.

Makâbâtisi yenu na mâmba muyâba re: Yenu dimakâlula buyedi. Te ukâyitsi âtsaviogilila ma. Va mbârândi mabila misuka mu tsi. Yândi âkabâtisa yenu na Dinyunyi Disungama na mbâwu.

— Matthieu 3:11

**Ephésiens 1:4**

Nsâmbi nagi unékunsa tsengi âmâna sola manenu mubila bândi mu Christ, mure dibili basungama gugá mbela va wusu ândi.

**Hébreux 12:14**

Bilânu na muginyinyi mutsâgala na polu na bâtu botsu na mubila na bitsâgalitsi bisungama. Mutu âsâkalâba Fumu gugá bitsâgalitsi bisungama.

## **42 BATU BABABASU NA DINYUNYI DISUNGAMA**

**Luc 11:13**

**Rembusa yenu bâtu bababi di-yâtsi uvega bivâva bibinyi gu bââna benu. Tâta Nsâmbi âsâka-busa uvega Dinyunyi Disungama gu yâwu babakavonda yândi.**

**Actes 1:8**

**Te yenu dikadila bungudu vakaruga Dinyunyi Disungama gu yenu. Yenu dikabila bimuenyi biâmi...**

**Ezechiel 36:27**

**Makasunsa gu yenu Dinyunyi diâmi. Makavega yenu nsâla mulânda mambu mâmi na mukiela migiela miâmi.**

**Romains 8:9**

**Te yenu disâkâlândi matâsa mamanyuru menu. Yenu dikâlândi Dinyunyi, mumbâra Dinyunyi diNsâmbi dikâtsâgali gu yenu. Wotsu ugâna Dinyunyi diChrist âsâ mutu wândi.**

**Actes 13:52**

**Bayikitsi gu Antioche babâsu na yinyunga na Dinyunyi Disungama.**

**Actes 4:31**

**Vamâna yâwu usâmbila, yitsiga gibila yâwu giregama. Yâwu botsu babâsu na Dinyunyi Disungama na bayâmbila mambu maNsâmbi na bungudu.**

**Psaume 34:19**

**Fumu Nsâmbi âka yitsiga gimosi nâwu babana mirima mit-sira. Akâyobuli yâwu babagona-lâba pága mbili.**

**Esaïe 66:2**

**Nsâmbi Monyu yâre: Bivâva biotsu makâka mâmi matsavâga. Biotsu biyi vâna disina mu ma. Makatâsila nda banyi? Makatâsila mutu wotsu ugonalâba pága na wotsu una murima utsira.**

**I Pierre 4:12, 13**

**Wâyiânu, diyâgibama vakâlâbi yenu pága mbili nutâsa re: Ra dyâmbu digáyulunu. Lâbangânu unyi mumbâra yenu dimadugulu**

**mugâbana maguga maChrist. Koravâna gu mawusu yenu dikalâba yinyunga vakalâbana bufumu buândi.**

**Apocalypse 21:4**

**Nsâmbi yâbena âkabunsula matsânga mu misu mâwu. Difu disâkabébila. Gusâkabébila bako-ndu nisi ulila vo maguga. Mâmbu makâla makavu.**

**Psaume 37:3**

**Bila na gitu mu Nsâmbi Monyu nuvâga mâmbu mamanyi. Tsengi yika yâgu mutsâgala. Mu-yâba re: Nsâmbi âgonakiela ma ra munóngu umosi na muyí kura.**

## **44      BANDAGI BANSAMBI GU BABAKAMANGU**

**Nsâmbi ukâvegi polu âsâka-  
tsinga munyiga Satan gu tsi bio-  
ru bienu. — Romain 16:20**

**Hébreux 2:18**

**Namapâpa ârungula uyâmuna  
yâwu babagonamângu mumbâra  
yâbena âmângu na âlâba maguga.**

**Romain 8:28**

**Diyâtsi re: Nsâmbi âkâdyânsi  
mu mambu motsu mure babakâ-  
rondi yândi babili buedi, na yâwu  
gândi babamatsitsu nagâna yândi.**

**I Corinthiens 10:13**

**Gusândi dimângu digâmângu  
bâtu botsu. Nsâmbi âsâna nsugu.  
Asaronda re: Yenu dimângu uvio-  
gilila bungudu buenu. Vakâmâ-**

**ngu manenu, âkâvâgili manenu  
disuga mure dikaguâra.**

**Esaïe 43:2**

**Gâ yisâbuga mamba, makabi-  
la nâgu. Nisi mamba mamana  
vo nyidu yisâkapula gu mbugâgu.  
Gâ yivioga gu mbâwu, yisâkalu-  
la nisi yisâkayulu mbâbala.**

**Psaume 34:20**

**Bâtu babanyi bakâlâbi maguga  
mambili te Nsâmbi âkâyâmuni  
yâwu mu motsu.**

**Mula gu mutu wotsu ukâguâ-  
ri mu dimângu. Yâ nuguâra,  
âkavegu monyu nalâgana Nsâmbi  
ndâgi muvega gu botsu babakâ-  
rondi yândi. — Jacques 1:12**

**Apocalypse 21:7**

**Yândi ukaguâra âkadila bivâ-  
va biotsu. Makabila Nsâmbi ândi.  
Yândi âkabila muânâmi.**

**Apocalypse 3:12**

**Wotsu ukaguâra âkabila gê di-  
kuti mu ndâgu Nsâmbi. Asâkabé-  
pula. Makatenda mu yândi nduga  
Nsâmbi âmi na nduga dímbu di-  
Nsâmbi. Ra Jérusalem yimona yi-  
kasunda gu yulu. Na makatenda  
mu yândi ndugâmi yimona.**

**Apocalypse 3:5**

**Wotsu ukaguâra âkaduâra bi-  
duâri bifuga. Masâkaburula ndu-  
gândi mu mugânda umonyu. Va**

**wusu Tâta na va wusu biânsa  
biândi makayâmbila re: Wuwu  
ra mutu wâmi.**

**Apocalypse 3:21**

**Wotsu ukagâra naguâra ma,  
makasingisa yândi mutsâgala va  
mbârâmi mu yitsiga gibufumu  
buâmi. Mayi matsâgala va mbâ-  
ra Tâta mu yitsiga gibufumu  
buândi.**

**Apocalypse 2:7**

**Wotsu una mâru, âyulu buedi  
nagonayâmbila Dinyunyi Disu-  
ngama gu bisi dibundu. Wotsu  
ukaguâra makasingisa yândi mu-  
yí milunda mimuiiri umonyu gu  
nungi yiNsâmbi.**

# BANDONGI BANSAMBI MU DYAMBU DIUBOKA DYONGA

I Corinthiens 7:10, 11

Babayongu, Nsâmbi âronda re: Mugâtsi âyâburuga na mulumi ândi. Agâmaburugu na mulumi ândi, âyâbéyongu na dibâgala disusu. Agâ na nsâla uyongu, vengu âgâbugi gu mulumi ândi. Sâ buedi mulumi ârabusa mugâtsi.

Wotsu ubusa mugâtsi ândi nyonga mususu, âkâvâgi butsuâri. Wotsu uyonga mugâtsi umabusu na mulumi ândi, âkâvâgi butsuâri. — Luc 16:18

Mu dyâmbu dimugiela mugietu umayongu âkatsâgala na mulumi ândi vaki yândi monyu. Gâ

mulumi âmafu, âsândi du gu mugielâ. Gâ mugietu wena âyongu na dibâgala disusu gâ mulumi ândi âki monyu, bakayâmbila re: Amavâga butsuâri. Te gâ mulumi ândi âmafu, mugielâ usâkabébila mu yândi. Arungula uyongu na dibâgala disusu gugâ vâga butsuâri. — Romaines 7:2, 3

Wotsu ukabusa mugâtsi ândi ka nsolu gugâvâga yândi butsuâri, âyi munôngu umosi gâ mutu umaruma yândi muvâga butsuâri. Mayâmbila yenu re: Wotsu ukayonga mugietu umabusu na mulumi ândi, ânâvâga butsuâri nândi. — Matthieu 5:32



**Jacques 5:8**

Sunsânu mirima mieniu. Guârânu. Fumu etu âsâkatsinga nuruga.

**Marc 8:38**

Wotsu ukâlâbi tsonyi mu ma na mu mâmbu mâmi va wusu banga mabi babagâna gitu mu Nsâmbi, ma Muâna mutu, makalâba tsonyi mumema yândi vakaruga ma na bundumba buTâta na biânsa bisungama.

**Jean 14:3**

Vakayenda ma, na gâ mama-mâna kunsila yenu bitsiga, makabéruga mubonga yenu, mure dikabila yitsiga gimosi.

**Matthieu 24:30**

Koravâna bâtu bakalâba yilimba gima Muâna mutu gu yulu. Bâtu bamalongu motsu bakalâba pága. Bakalâba ma Muâna mutu nakaruga ma va yulu dibungi na bungudu na bundumba.

**Apocalypse 3:11**

Masâkatsinga nuruga. Guâri-la mu motsu matsadila yu mure mutu ususu âkoradumba yilimba giâgu gibuvunda.

**Matthieu 24:27**

Muitsu uma, Muâna mutu ukabila munóngu umosi nakâluli mukâkâdi tselu na tselu.

**I Jean 3:2**

Wâyianu, dikoka bâana ba-Nsâmbi te nakabila manenu gu mawusu disâmakunsa yâba. Di-yâtsi re: Vakaruga Christ dikabila gâ yândi mumbâra dikakunsa lâba yândi.

**Apocalypse 16:15**

Yulu, makaruga munóngu gâ muyibitsi. Dinyi gu yândi ukabila utsonsama na ukakiela biduâ-ri biândi. Akorayenda munyânga nulâba tsonyi.

**Luc 12:40**

Na yenu gândi, bilânu babatsonsama, mumbâra ma Muâna mutu makaruga dikiesi digâyâba yenu.

**Actes 1:11**

Bayâmbila re: Bisi Galilée, yenu digonabemina gu yulu nda mugi? Jésus ena utsamâka gu yulu va ganagârenu, âkagâbuga. Natsamâka yândi ra nakagâbuga yândi.

**Matthieu 16:27**

Ma Muâna mutu makabéruga na bumdumba buTâta na yivela giginena na biânsa biâmi. Va dikiesi diena mutu mutu âkavegu ngu natsadyânsa yândi.

**Luc 21:27**

Koravâna bakalâba ma Muâna mutu. Makaruga va yulu dibungi na bungudu na bundumba buviogilila.

## MAMBU MANSAMBI

Makâkieli mambu mâgu gu tsi murima wâmi mure makoravâga dibi. —Psaume 119:11

Yulu na tsi bikavu, te mambu mâmi masâkavu nisi pesu. —Luc 21:33

Jésus âgâbusila yâwu re: Yenu disanâtâsa buedi. Yenu disâkâyulu mambu matendu mu Mabâka. Na yenu disayâba bungudu buNsâmbi. —Matthieu 22:29

Saga na dironda dimutu mambu mayâmbulu gu babigitsi, te nda mu bungudu buDinyunyi Disungama. Mu bungudu buâ-

ndi babigitsi babila bikâmbi biNsâmbi gu bâtu. —II Pierre 1:21

Mambu maNsâmbi motsu matendu mu bungudu buNsâmbi. Tsongu yimo ra mulonsa bâtu, na mutsukiga mirima mibâtu, na musungiga bâtu, na mulonsa mambu masungama. —II Timothée 3:16

Mambu mâgu ra lambi mulonsa bioru biâmi nsila. Ra yivela mulonsa ma nsila. —Psaume 119:105

A Fuma Nsâmbi, mambu mâgu maka mubu na mubu gu yulu! — Psaume 119:89

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: [www.wmp-contacts.org](http://www.wmp-contacts.org)**

World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)



Read booklets online or by App  
[www.wmp-readonline.org](http://www.wmp-readonline.org)